



# Deddf Casglu a Rheoli Trethi (Cymru) 2016

2016 dccc 6

**RHAN 5**

COSBAU

**PENNOD 3**

COSBAU AM ANGHYWIRDEBAU

*Cosbau am anghywirdebau mewn dogfennau*

**132 Cosb am anghywirdeb bwriadol mewn dogfen a roddir i ACC gan berson arall**

- (1) Mae person (y cyfeirir ato yn yr adran hon fel “person A”) yn agored i gosb pan fo—
- (a) person arall yn rhoi dogfen i ACC,
  - (b) y ddogfen yn cynnwys anghywirdeb perthnasol, ac
  - (c) yr anghywirdeb i’w briodoli—
    - (i) i berson A yn darparu gwybodaeth ffug i’r person arall yn fwriadol (boed yn uniongyrchol neu’n anuniongyrchol), neu
    - (ii) i berson A yn atal gwybodaeth yn fwriadol rhag y person arall, gyda’r bwriad bod y ddogfen yn cynnwys yr anghywirdeb.
- (2) Mae “anghywirdeb perthnasol” yn anghywirdeb sy’n gyfystyr ag, neu’n arwain at—
- (a) tандатganiad o rwymedigaeth i dreth ddatganoledig,
  - (b) datganiad ffug neu ormodol o golled sy’n ymwneud â threth ddatganoledig, neu
  - (c) hawliad ffug neu ormodol am ad-daliad o dreth ddatganoledig.

---

**Statws** *This is the original version (as it was originally enacted).*

---

- (3) Mae person A yn agored i gosb o dan yr adran hon mewn cysylltiad ag anghywirdeb pa un a yw'r person arall yn agored i gosb ai peidio o dan adran 129 mewn perthynas â'r un anghywirdeb.
- (4) Y gosb sy'n daladwy o dan yr adran hon yw 100% o'r refeniw posibl a gollir.